

四庫全書

史部

欽定四庫全書

浙江通志卷八十

漕運

上

揚州運道紀於禹貢轉漕之政歷代加詳至元明  
而其制益備顧弊或滋焉

聖朝勤恤民隱白糧則併歸軍運歲漕則以次  
恩蠲時而緩徵時而改折每於惟正之供屢

沛非常之澤是以輸輓及期倉儲豐積為前古所未有

蓋所以裕本計者至深遠矣志漕運

尚書禹貢揚州沿於江海達於淮泗

玉海水轉運曰漕禹貢州末繫

河先儒以為運道揚達泗至河此正裴耀卿節級轉般之法大學衍義補朱子曰冀州三面距河其建都實取轉漕之利故九州之終皆言達河以紀其入帝都之道按禹貢於各州之下列貢賦之後而叙其各州之水達河之路達於河即達帝都也當時貢賦皆駕舟筏浮水路以達於河蓋亦後世漕運之法但未明言其為漕耳

通鑑綱目大業元年開通濟渠引汴水開邗溝

大獻通考

發河南諸郡民開通濟渠自西苑引穀洛水達於河又引河通於淮海自是天下利於轉輸

謹按禹貢揚州貢道夏時江淮未通故有松江海  
達淮泗之支吳於邗江築城穿溝東北通射陽湖  
西北至宋口入淮而運道始通然漢時漕山東之  
粟特究豫青徐四州江淮雖通未嘗以之為運道  
也自大業間通濟渠引汴水開邗溝而河通於淮  
利於轉輸東南運道興焉故志浙江漕運斷自隋  
始

唐書食貨志唐都長安轉漕江南之粟高祖太宗時  
用物有節而易贍水陸漕運歲不過二十萬石故  
漕事簡高宗後歲益增多

謹按浙省之漕前史無明文考唐地理志浙西隸  
江南東道則唐時所漕江南之粟固兼浙漕而言

也

資治通鑑開元二十二年以裴耀卿為江淮河南轉

運使於河口置輸場

唐書裴耀卿傳秋雨害稼帝問耀卿耀卿曰國家大本在京師

往貞觀永徽時祿廩者少歲漕粟二十萬畧足今用度寢廣運數倍且不支為國大計臣願廣陝運道使京師常有三年食雖水旱不足憂且江南租船候水始進吳工不便河漕處處停留易生隱盜請置倉河口以納東租然後官自催載分水河洛度三門東西各築教倉自東至者東倉受之三門迫險則傍河鑿山以開車道運數十里減費鉅萬天子然其計於是置河陰集津三門倉引天下租繇盟津沂河而西三年積七百萬石省運費三十萬緡

舊唐書韋堅傳天寶元年擢韋堅為陝郡太守水陸  
轉運使截灞澮水東注永豐倉合於長安城東望春  
樓下穿廣運潭以通舟楫取小斛底船三二百隻  
置於潭側其船皆署牌表之會稽郡船羅吳綾絳

紗通鑑綱目堅督江  
淮租運歲增巨萬

唐書食貨志廣德二年以劉晏顓領東都河南淮西  
江南東西轉運凡漕事皆決於晏晏分吏督之隨  
江汴河渭所宜故時轉運船繇潤州陸運至揚子

斗米費錢十九晏命囊米而載以舟減錢十五繇揚州距河陰斗米費錢百二十晏為歇艍支江船二千艘每船受千斛十船為綱每綱三百人篙工五十自揚州遣軍將部送至河陰上三門號上門填闕船斗米減錢九十調巴蜀襄漢麻枲竹篠為絢挽舟以朽索腐材代薪物無棄者未十年人人習河險江船不入汴汴船不入河河船不入渭江南之運積揚州汴河之運積河陰河船之運積渭

口渭口之運入太倉歲轉粟百一十萬石無升斗  
溺者

唐書食貨志貞元中增江淮之運浙江東西歲運米  
七十五萬石詔浙江東西節度使韓滉運至東西

### 渭橋倉

謹按漢唐皆都關中俱引東南之粟以給京師漢  
元封間運漕六百萬石唐天寶稱為極盛而韋堅  
僅運至四百萬石至德以後不過百萬餘石而已  
而貞元中江淮之運浙江東西竟運至七十五萬  
石是兩浙之粟在唐時漕運已視諸道獨多矣然  
貞元時之浙西道固領潤江常蘇杭湖睦七州不



止於今浙西之  
杭嘉湖三府也

宋史食貨志太平興國初兩浙既獻地歲運米四百

萬石

文獻通考宋定都於汴漕運之法分為四路江南淮  
南浙東西荆湖南北六路之粟自淮入汴至京師  
玉海至道元年楊允恭為江淮兩浙發運使籍三路  
舟江浙所運止於淮泗由淮泗輸京師行之一歲  
上供者六百萬

宋史食貨志大中祥符初至七百萬石江南淮南兩

浙荆湖路租糴於真揚楚泗州置倉受納分調舟

船沂流入汴以達京師置發運使領之

玉海天聖四年臣僚

吳耀卿言咸平景德中歲漕江淮米不過四百五十萬石近年增至六百五十萬請約舊數立為中制詔歲課六百萬石注沈括曰發運使歲六百萬石兩浙一百五十萬石

玉海嘉祐三年詔曰國家建都河汴仰給江淮六路所供之租各輸於真楚度支所用之數悉集於京師以發運司總其綱條以轉運使幹其歲入荆湖

舟楫回載海鹽淮汴舳舻不涉江路方冬閉塞役  
卒少休近歲因循茲事遂廢令諸道據年額赴真

楚泗州轉般倉復運鹽歸本路

發運一司其制始於淳化而備於皇

祐之後權六路豐凶而行平糶之法一員在真州  
督江淮等路糧運一員在泗州趣自真州至京糧  
馬運

謹按轉般之法始於裴耀卿成於劉晏宋朝舊制  
江湖運舟至儀真入轉般倉復載鹽以歸又以運  
舟自儀真漕河由汴達於都邑六路八十四州漕  
京師凡六百萬石然則浙東西路之米固入轉般  
倉而復以運舟由  
漕河入汴者也

宋史河渠志浙西運河自臨安府北郭務至鎮江江  
口牖六百四十一里淳熙十一年臣僚言運河之  
濬自北關至秀州杉青各有牖堰自可瀦水惟沿  
河上塘有小堰數處積久低陷無以防遏水勢兼  
沿河下岸涇港極多其水入長水塘海鹽塘華亭  
塘由六里堰下私港散漫悉入江湖以私港深運  
河淺也若修固運河下岸一帶涇港自無走泄

謹按運河即江南河也隋大業中將東巡會稽乃  
發民間江南河自京口至餘杭八百餘里後代因

而修之以為轉輸之道宋孝宗淳熙八年浚行在至鎮江運河時定都臨安尤以漕渠為先務也

續通鑑綱目元至元十九年始海運

元史食貨志元都於燕去江南

極遠百司庶府之繁衛士編民之衆無不仰給於江南初也延平宋時嘗命朱清張瑄等以宋庫藏鬪藉自崇明州從海道載入京師而運糧則自浙西涉入江淮由黃河逆流至中灤陸運至洪門入御河以達於京又開濟州泗河自淮至新開河由大清河至利津河或開膠萊河道通海勞費無成至元十九年巴延追憶海道載宋鬪藉之事以為海運可行於是請於朝廷命上海總管羅璧朱清張瑄等造平底海船六十艘運糧四萬六千餘石從海道至京師

謹按元初行海運時原合江南江東湖廣江西等處之糧共運後以江東寧國池饒建康運糧率令

海船從揚子江逆流而上江水湍急又多石磯走沙漲淺糧船俱壞歲歲有之而湖廣江西之糧運至真州泊入海船船大底小亦非江中所宜於是嘉興松江秋糧并江淮江浙財賦府歲辦糧充運嘉興浙省大府而松江在元初為華亭府乃嘉興屬邑而升為府者是海漕之利惟浙中之粟獨多觀順帝至正時海漕不至徵粟於張士誠方國珍更可見矣則元時海運其為浙江之漕運無疑也

續文獻通考至元二十年罷新河事海運立萬戶府  
二以朱清為中萬戶張瑄為千戶蒙古岱為萬戶

府達魯噶齊

元史食貨志至元十九年立京畿江淮都漕運司司仍各置分司以督綱

運二十年又用王積翁議令阿巴齊等廣開新河然新河候潮以入船多損壞而蒙古岱言海運之舟悉皆至焉於是罷新河事海運立萬戶府

元史世祖紀至元二十八年罷江淮漕運司併於海

船萬戶府由海道漕運

元史食貨志二十四年立行泉府司專掌海運增置

萬戶府二總為四府二十八年用朱清張瑄之請併四府為邵漕萬戶府止令清瑄二人掌之其屬有千戶等官分為各翼以督歲運

續資治通鑑大德五年增明年海運糧百二十萬石  
續文獻通考大德七年以江浙年穀不登減海運糧

四十萬石

元史武宗紀大德十一年中書省奏常歲海運糧百四十五萬石今江浙歲儉不能如數請仍舊例湖廣江西各輸五十萬石並由海道達京師從之

續文獻通考皇慶元年增江浙海漕二十萬石

元史兵志延祐元年樞密院官奏中書省言江浙春運糧八十三萬六千二百六十石取日開洋前來直沽請預差軍人鎮遏詔依年依調軍一千名命



右衛副都指揮使巴延往鎮遏之三年海運至直沽樞密院官奏調軍士五百名巡鎮從之

續文獻通考延祐五年增海漕四十萬石

元史英宗紀至治三年減海道歲運二十萬石

續資治通

鑑拜珠以海運糧視世祖時頓增數倍今江南民力困極而京倉充滿奏乞減二十萬石從之

續文獻通考泰定二年海運江南糧一百七十萬石

直至於京師時廷議海漕事康里回以廩積方饒奏減糧數以紓東南民力可其奏

元史文宗紀天曆二年命江浙行省明年漕運糧二百八十萬石赴京師

續文獻通考至順元年江浙行省言今歲夏秋霖雨大水沒民田甚多稅糧不滿舊額明年海運本省止可二百餘萬

元史文宗紀至順二年中書省臣言明年海運糧二百四十萬石已令江浙運二百二十萬河南二十萬今請令江浙復增二十萬從之

續文獻通考凡運糧每石有脚

價鈔至元二十一年給中統鈔八兩五錢至大三年以浙東船戶至平江載糧者道遠費廣增為至元鈔一兩六錢香糯一兩七錢四年又增為二兩香糯二兩八錢稻穀一兩四錢延祐年間斟酌遠近復增其價溫台慶元船運糙粳香糯每石十兩五錢紹興浙西船每石一十一兩白粳價同稻穀每石八兩黑豆每石依糙白糧給焉元史食貨志初海運之道自平江劉家港入海經揚州路通州海門縣黃連沙頭萬里長灘開洋沿山嶼而行抵淮安路鹽城縣歷西海州海寧府東海縣密州膠州界放靈山洋投東北路多淺沙行月餘始抵成山計其水程自海上至楊村馬頭凡一萬三千三百五十里至元二十九年朱清等言其路險惡復開生道自劉家港開洋至撐腳沙轉洋背至三沙洋洋道區擔沙大洪又過萬里長灘放大洋至青水洋又經黑水洋至成山過劉家島至之罘沙門島

放萊州大洋抵界河口其道差為徑直明年千戶  
殷明畧又開新道從劉家巷入海至崇明州三沙  
放洋向東行入黑水大洋取成山轉西至劉家島  
又至登州沙門島於萊州大洋入界河當舟行風  
信有時自浙西至京師不過旬  
日而已視前二道為最便云

元史順帝紀至元四年江浙海運糧數不足撥江西  
河南五十萬石補之

續通鑑綱目至正十九年江南海漕不通遣兵部尚  
書巴延特穆爾徵海運糧於張士誠巴延特穆爾  
至杭州命張士誠輸粟方國珍具舟丞相達實特

穆爾總督之運粟十一萬至京師

謹按元自世祖用巴延之言歲漕東南粟由海道以給京師江浙之糧分為春夏二運始自至元十九年至於天曆至順由四萬石增而為三百萬以上民無輓輸之勞國有儲蓄之富論者稱為一代良法然風濤不測無歲無之順帝至元以後歲運之數漸不如舊至正元年江浙所運僅二百八十萬石三年又僅二百六十萬石且海運之舟不至大都者數年十九年巴延特穆爾徵海運於江浙張士誠輸粟一十一萬石二十年赴京是年復遣王宗禮至江浙二十一年運糧赴京如上年之數二十二年運糧赴京視上年僅加二萬二十三年仍運糧十有三萬石赴京是年再遣博囉特穆爾往徵而粟竟不復運由是江浙海漕遂止於是歲馬又按元之海漕其船有仙鶴哨船每船三十隻

為一網大抵船九百餘隻漕米三百餘萬石船戶  
八千餘人又分其網為三十每網設押綱官二人  
以常選正八品為之其行船者又催募水手移置  
揚州先加教習領其事者則設專官秩三品而任  
之又專任之於朱清張瑄輩  
加秩而不易其人立法甚備

續文獻通考明洪武十三年海運糧七十萬石於遼

東二十二年令海運糧米六十萬石以給遼東三

十年海運糧七十萬石於遼東

名山藏洪武中海  
運給遼左七十五

萬石凡役官軍八萬餘人運軍悉許附載已物資  
私用航海侯張赫舳艫侯朱壽皆以海運功封  
謹按元時海運浙西秋糧之外或以江淮財賦府  
歲糧充運洪武十三年海運惟直隸江南諸府秋

糧時嘉湖二府尚屬直隸未屬浙江故知海運之粟兼嘉湖二府在內也自洪武十五年以後及永樂中海運赴北京之粟皆蘇松常嘉湖五府居多

明從信錄洪武三十年停遼東海運

明法傳錄永樂元年命平江伯陳瑄督海運糧赴北

京

憲章類編成祖即位凡江南運舟派為二道

一由江入海出

直沽口白河運至通州為海運一由江入淮入黃河至陽武縣陸運至衛輝府運至薊州為陸運

續文獻通考永樂六年海運糧六十五萬一千二百

二十石於北京

明史紀事本末永樂八年以舊額漕運二百五十萬石不足給國用特令江浙湖廣三省各布都官自行督運共三百萬石有奇

名山藏永樂九年會通河成

何喬遠宋禮傳會通河者元至元中以壽張尹

韓仲暉言自東平安民山鑿河至臨清引汶絕濟屬之衛河為轉漕道然岸狹水淺不能重載故終元世海運為多成祖時濟寧州同知潘叔正上言舊會通河四百五十餘里淤者乃三之一濬之便命禮往治之禮以會通之源必資汶水乃用汶上老人白英築堦城及載邗壩橫亘五里遏汶流



使無南入洸而北歸海滙諸泉之水盡出汶上至南旺分為二道南流接徐沛十之四北流達臨清十之六又相地置閘以時蓄洩自分水北至臨清地降九十尺置閘十有七而達於衛南至沽頭地降百十有六尺閘二十有一而達於淮

通漕類編永樂十二年令北京直隸等衛俱選官軍運糧

謹按此為改官軍運漕之始自濟會通河後命都督賈義尚書宋禮以舟師運以海船大者千石工窳輒敗乃造淺船以千艘運糧百萬以當海運之數平江伯陳瑄繼之於湖廣江西造平底淺船三千艘分遣官軍就近輓運淮安等倉名曰支運歲凡四次可三百餘萬而海陸二運皆罷又按洪武

時海船有一千料有四百料名鑽風海船永樂中改海運遂改四百料為淺船淺船者因海船得名也

通漕類編永樂十三年令浙江杭嘉湖秋糧除存留并起運南京供內府等項外其餘原坐太倉海運之數盡改撥淮安倉交收仍令淺河船於會通河以三千隻支淮安糧運至濟寧倉以一千隻支濟寧糧運赴通州

謹按一歲之中通運四次所謂支運者是也自是以後海運不復行矣

續文獻通考永樂十三年令浙江都司分官軍於淮

安運糧至徐州置倉收囤

明會典永樂十六年令浙江布政司稅糧令糧里自

備船隻運赴通州河西務等處上倉

從信錄初  
令民運

明會典宣德四年令浙江民運糧貯淮安倉令官軍

支運

從信錄改轉運為支運明漕運志尚書黃福  
同陳瑄趣漕糧建議淮安倉廩具在宜復使

官軍支運乃令浙江民運糧於淮安倉復令官軍  
支運民運既就近入倉力大減省乃量地近遠糧

多寡抽民船十  
一以給官軍焉

明泳化類編宣德六年令浙江僉撥民丁及軍多衛

所添撥軍士與見運軍士分班更替僱運潛運考

初皆  
支運

續文獻通考宣德七年始立兌運法

明漕運志陳瑄  
言江南民運糧

詣倉往返幾一年悞農業而浙江官軍每歲以船  
至淮安載糧若令江南民對撥附近衛所官軍運載  
至京給與路費耗米則軍民兩便帝遣侍郎王佐  
往淮安與瑄及黃福議皆以為可行復命羣臣會  
議吏部尚書蹇義等條上官軍兌運民糧加耗則  
例以地遠近為差每石浙江七斗民有運至淮安  
兌與軍運者止加四斗如有兌運不盡仍令民自  
運赴倉不願兌者亦聽其自運兌軍既加耗又給

輒齎銀為洪開盤剝之費且得附載他物以資軍  
軍皆樂從事而民亦多以遠運為艱於是兌運者  
多而支運者少矣從  
信錄改民運為兌運

續文獻通考正統元年令兌運糧加耗浙江民自運  
至瓜州兌運者三斗七升淮安者三斗

海鹽縣圖經正統六年命江南巡撫周忱兼撫嘉湖

二府奏立民與軍兌運之法

彭韶周文襄傳嘉湖  
二府往時裏河運糧

軍民相半軍則官為打造淺船分長短中三運長  
運於淮安常盈倉中運於徐州廣運倉短運於臨  
清廣積倉支米一尖一平下船民則自行催船裝  
運正糧一石該平米二石又船錢一石經年往返

多失農業忱先創立耗米之法亦曰平米每正糧一石收平米一石七斗候起運特酌量支撥至是奏立民與軍於淮安瓜洲等處水次對船交兌衛所出給通關付還銷繳在淮安正糧一石兌與平米一石五斗瓜洲兌與平米一石五斗五升各處運船官軍未曾過江者抵倉交兌如與過江船錢米二斗豐年米賤兌與加七五升凶年米貴兌與加六五升視墊蘆蓆折米五合支撥羨餘存積在倉號曰餘米次年餘多則令加六徵收又次年益多止令加五除依前撥運外有所餘乃令各縣造倉一所名曰濟農將遞年撥運剩米運入以備賑濟及農民缺食運夫遭風被盜者人皆稱便

萬厯杭州府志正統七年巡撫侍郎周忱修築浙江

下塘堤岸

新運河在武林門外北新橋之北通蘇杭常鎮并浙之嘉湖等府宋淳祐七年

大旱乾涸安撫趙與憲疏言下塘水道有二一自東遷至北新橋今已斷流一自德清至茗溪入奉口至北新橋間有積水以致商旅不行米價騰貴乃催募鄉之壯民開濬自北新橋至狗墓間濶三丈深四丈自狗墓至奉口開濶一丈民間稱便至是通判易輓條上利害忱便宜措備自北新橋迤北而東至崇德縣界修築塘岸一萬三千二百七十二丈四尺以護風水又為橋七十有二水陸通

行漕艘更便  
今名下塘馬

續文獻通考正統十三年令浙江加耗每石三斗六升  
明會典正統十三年令白糧船編置字號送沿河各

官催督

民運規則浙江供用庫白粳米三萬二千石本色酒醋麵局白糯米六千七百石本

色光祿寺白粳米一萬九千石本色九分折色一分每石折銀一兩白糯米八千五百石本色八分折色二分每石折銀一兩一錢明漕運志浙江漕糧之外嘉湖二府輸運內府白熟粳糯米府寺糙粳米令民運謂之白糧船

萬曆杭州府志景泰五年浙江按察使陳璇奏以軍餘

贖運

先是杭嘉湖三府民運艱辛璇奏乞將浙江各衛軍餘贖運軍餘不足於操守屯田軍內選補

事下戶部議除屯田軍不動其餘宜允所議移文浙江兵部尚書孫原貞等務在處置得宜從之

通漕會編天順六年立交兌法

戶部題准一州一縣止許與一衛交兌兌支不

盡方許兌與別衛分派水次不許將一州一縣分作三四衛亦不許將一衛分作三四州縣及以遠派近以近派遠



明漕運志運船之數永樂至景泰大小無定為數至

多天順以後定船萬一千七百七十官軍十二萬

人許令附載土宜免徵稅鈔

通漕會編浙江都司  
二千四十六隻內杭

州右二百四十三隻杭州前二百二十三隻台州

二百八十九隻一分寧波三百一十隻五分溫州

二百九十三隻處州二百五十隻紹興二百七十

七隻寧海五十隻四分金華二十五隻五分衢州

五十二隻嚴州一百隻五分海寧三十四隻湖

州六十四隻土宜初限一石後加至六十石

續文獻通考成化六年令浙江加耗每石四斗

明會典成化六年令運糙白糧米係官造船隻每船

僉撥納戶五六名多不過十名領駕來京行收糧

衙門驗無糠穀沙土免其曬揚即與收受

憲章類編戶部

議漕運事宜一蘇松常嘉湖五府輸運內府白熟粳糯米并各府部糙粳米每歲十六萬石俱官給以船今沿途輒廠鈔關必欲如民船帶輒納鈔兼遇水涸守閘又為運軍凌逼及抵揚村等處則攬頭包攬巧肆刻剝是以雷滯日久困於負貸請罷帶輒納鈔之例及禁包攬之害仍移文總漕官令軍民船皆魚貫而行其有漂流糧米以該納京倉者改納通州省腳價以補其數從之

吾學編成化七年罷江南民運

續文獻通考都御史滕昭議罷瓜淮兌運

裏河官軍催江船於江南水次交兌民加過江之費浙江等處每正糧米一石外加過江米一斗從

信錄允運變而為  
長運遂為定制

續文獻通考成化八年定僱運糧每歲四百萬石

明會典  
歲運米

四百萬石北糧七十五萬五千六百石南糧三百二十  
四萬四千四百石內允運三百三十萬石浙江六十萬  
石每石加耗米六斗六升又兩尖米一斗共七斗六升  
內除四斗隨船作耗餘米三斗六升折銀一錢八分名  
三六輕齋後於三斗六升內減二升止徵三斗  
四升改為三四輕齋於內仍扣留銀二分

謹案成化八年以前漕運歲額未定宣德八年僱運五  
百餘萬石正統二年僱運四百五十六萬石景泰二年  
僱運四百二十三萬五千石景泰七年官軍允運二百九十  
二萬九千五百五十石三斗天順四年僱運四百三十五萬  
石直省多寡不同浙江僱運數目無從稽考至是年定僱運  
糧每歲四百萬石內浙江六十萬石自是而歲額定矣

明泳化類編成化十年始立改兌法

通漕類編先是應天蘇松浙江江西

等處糧民自運上納淮徐臨德四倉官軍赴倉支領運送京通二倉至是議抽支運米七十萬石改令官軍各赴水次交兌明會典改兌七十萬石浙江三萬石每石加耗米四斗二升內折米二升易銀一分名折易輕齋凡改兌無尖米盤剝之費折易輕齋如不敷於本總名下各衛所兌運輕齋銀內挖貼應用

明會典成化十一年罷民運淮安等倉糧令軍船

竟赴水次領兌運送京通二倉

此改兌之始

謹按歷代漕運各視道里遠近以為準明初都金陵貢賦由江以達京師道近而易自永樂北遷道里遼遠法凡三變始海運次海陸兼運至漕運而制定漕運凡三變初支運次兌運支運相參至支

運悉變為改兌而制定然白糧則仍以民運終明之世未之有易也

名山藏成化間定衛所船軍漕糧為十二總

十二總者湖廣

江西浙江直隸中都山東各一南京江北直隸各二并遮洋一總為十二總以文武大臣各一人表

稟督之總有把總官轄諸衛所諸衛所有指揮等官領其軍軍船十人十人內又選有力者

一人為旗甲以統運自永樂至此制乃大定通漕類編浙江總運糧六十六萬五千三百一十一石三斗四升浙西總屬四衛三所杭州前軍二千二百七十七人淺船二百七艘領漕七萬一千五百八十三石一斗杭州右軍二千四百九十七人淺船二百二十七艘領漕七萬八千四百九十九石三斗四升紹興軍二千七百六十一人淺船二百五十一艘領漕八萬六千七百九十八石八斗三升海寧軍

一百三十二人淺船一十二艘領漕四千一百四十九石七斗四升二合嚴州所軍一千一人淺船九十一艘領漕三萬一千四百六十八石九斗二升湖州所軍六百六十人淺船六十艘領漕二萬七千四百八十八石七斗三升海寧所軍六百四十九人淺船五十九艘領漕二萬四百二十九石九斗七升浙東總屬四衛二所寧波軍三千一百七十九人淺船二百八十九艘領漕九萬三千六十七石七斗台州軍二千八百八十二人淺船二百六十二艘領漕八萬四千三百七十二石八斗温州軍二千七百九十四人淺船二百五十四艘領漕八萬一千七百九十六石四斗八升處州軍二千九十八人淺船一百九十艘領漕六萬一千一百八十六石四斗金華所軍三百八十五人淺船三十五艘領漕一萬一千二百七十一石二斗八合衢州所軍六百八十二人淺船六十二艘領漕一萬九千

六十六  
石一斗

謹按成化改兌既定之後造船視  
原額漸增故船數與天順年不同

明會典成化二十一年令各司府州縣正官并守巡  
管糧等官將原會兌軍糧米徵完俱限十二月運  
赴原定水次倉交兌民糧已到領兌官軍來遲或  
刁蹬者領兌官一體候兌完日叅問

明會典弘治五年令運糧官旗借貸係三年以前者  
盡革罷近年者止照律出息果有窮困衛所缺少

腳價者許於太倉量借銀兩完納下年送還

續文獻通考弘治八年令各處兌運每歲布按二司  
及府州縣管糧官督屬徵收年終赴運水次候正  
月交兌其各該分巡分守管糧官員以十分為率  
明會典弘治十三年令各處兌運衙門解送樣米浙  
江限七月以內到部

明會典弘治十七年令浙江領運官行糧限十二月  
以內俱於本處照數放支如本處缺糧就於杭嘉



湖三府該兌糧米闕支如亦缺布政司每石折銀  
四錢給散運軍

名山藏漕撫李蕙請以齋餘貯庫聽來年缺者貸而  
償之著為令

謹按弘治中議定折耗輕齋銀其法兼算耗銳稍  
贏縮而剖之大抵米以備遠涉及顯加之耗銀以  
備備餽鋪墊之用要之正米無缺而止正外諸  
羨盡歸旗卒官無利焉自蕙之請而法漸變矣

明實錄正德二年疏通水次倉儲

漕運考漕運官言  
往時民運至淮徐

臨德四倉以待衛軍支運後改附近州縣水次交  
兌已并支運七十萬石亦令改兌但七十萬石之

外猶有交兌不盡者民仍運赴四倉久無支銷以致陳腐請將浙江江西湖廣正兌糧三十五萬石折銀解京而令三省衛軍赴臨德等倉支運如所折之數則諸倉米不腐三省漕士便於支運歲漕額外又得三十五萬折銀一舉而數善具矣命部臣議如其所請

謹按弘治十八年詔漕運米以十分為率內二分照例折銀以蘇民困至是則三省議折三十五萬石焉

通漕類編正德五年令漕運衙門以漕運水程日數列為圖格給與各幫官收掌逐日將行止地方填註一格同原給幫票送部查考事完送總漕衙門查繳

續文獻通考正德十年令輕齎銀兩各司府州縣每

年各隨正糧一併兌完方許出給通關

明會典嘉靖元年令民運白糧照兌運事例每十月終徵完委官十二月以裏運至瓜洲聽僱運郎中

催僱

明會典嘉靖三年令運軍行糧浙江總衛所每糧三十石七斗二合扣軍一名查各運正糧若干照數支與

續文獻通考嘉靖八年令浙江坐派起運內府各監

局及吏部等衙門細熟白糙粳糯米等每年十月  
終徵足差官十二月以內開船前來交納又令兌  
軍民糧交納蘆蓆以三分為率二分納本色一分  
折銀每領折銀一分又每米二千石納楞木一根  
松板九片亦以三分為率二分納本色一分納銀  
每板一片折銀二錢五分俱隨糧收受出給通關  
其銀太倉銀庫另貯以備修倉等項支用

明會典嘉靖八年令輕齋銀兩解赴漕司驗兌每幫

先給十分之三備沿途起剝支費其七分鞘封到

京候完扣算

名山藏世宗初漕總兵楊宏奏輕齎隨軍軍人緩急有濟若貯於漕庫比

至始給當其未給軍人所費已多而又羨之為扣夫輕齎亦耗米耳故為輕運舟便儉費乃取其羨米懸之籌非法也科道官文章駁之以為將聞奸人冒破之端戶部為兩可其說請銀至之日驗費給領如故第勿扣其羨以抵船料兼充諸什物之需大學士費宏言外衛軍士終歲勸勞給京軍幸有羨宜與之詔皆給軍軍驩然久之倉入復以八升銳為一時浥潤費貯倉歲耗無出也戶部尚書孫交酌請加三升為歲耗一升盡三升而止未三歲支者入實額待用命著為例

明會典嘉靖八年令浙江官軍兌運者限三月以內

過淮

通漕類編嘉靖十七年令運軍月糧各該撫按官先將應徵存留糧斛依期徵給如徵不及或災傷停免聽各倉庫別項錢糧通融處給其行糧例該本處闕支者雖派別省兌運仍舊本處支給若原議水次隨支者俱要預期徵完同正糧併兌不許先儘正糧將行糧落後

明會典嘉靖二十四年以旱災詔浙江所屬州縣及

諸衛所田糧改徵折色有差

謹按漕運歲額既定之後例無改折浙江改徵折色始於是年

萬厯杭州府志嘉靖三十二年南關抽分工部主事

劉秉仁議漕艘規則

南關榷事書本廠兼督浙總漕艘成法具在但各船所用

物料未有定數每年雖經布政司委府佐估計惟於船完之日將各項價值漫為增減且船式不一有礙責成議將船身長短廣狹板木厚薄分寸料價多寡數目酌為定則呈詳漕運衙門立石船廠永為定法仍刊書名漕艘規則凡該管官旗商匠人給一帙使互相稽察上下有所持循於漕政甚

益有裨

謹按運船價料正德十四年令軍辦三分民辦七分嘉靖二十四年將軍三民七船料令有司依期徵扣八月以內給發興工浙省遵行而船式不能畫一至是始有定則

明會典嘉靖三十八年令浙江糧船於北新關設廠工部抽分主事兼理打造

明會典嘉靖四十四年令官軍行糧雖派別省兌運仍舊本處關支如徵收不齊浙江每石折銀五錢許於庫貯別項銀兩借支補還

明實錄隆慶元年於南直隸浙江杭嘉湖添差御史



一員專管漕運

續文獻通考隆慶元年令浙江都司僉書專任一員

督理漕務

漕運都御史張瀚奏西浙漕運近多失期乞將東西把總二員合而為一每歲

更番一員領運一員豫備次年運務戶部覆浙江轉漕視別省倍加繁劇兩總分任似難變更惟浙江都司僉書職事頗閒且委任一員賜之專勅督理運務

明實錄隆慶二年御史蒙詔條上漕運事宜允行專一

責成謂西浙新增都司官與把總職守相闕臨事莫肯專任宜責都司以先期料理責把總以及時督率一議私兌謂浙直士夫近設自兌之法明犯禁令抑困漕軍宜令各仍舊官民公兌便一足船

兌數謂漕制每船不過正耗米四百七十二石過  
來船數滋多或一艘并受七八百石又益以私貨  
倍之致多敗溺宜盡數清補一重民運謂江南糧  
長之役有三害在家則苦催徵在途則苦逼勒抵  
京則苦完掣宜令京漕二解戶通融抵數互相代  
運為便載米任餉輕舸不必拘以大號長船糧長  
各給小批俾得  
完報不得牽累

續文獻通考隆慶三年令兩浙巡鹽御史兼督浙江  
杭嘉湖三府漕務

明實錄隆慶三年以杭嘉湖三府水災改折湖州漕  
糧六分杭嘉三分

明實錄隆慶四年戶部覆漕運都御史陳炯等會議

漕政事宜報可

一疏濬浙江海寧崇德等處河道一清補每船缺軍務足原額十名

之數凡行月二糧及鈔賞等項俱使得蒙實惠以安其心一嚴督淺夫日伺河下助挽漕舟以免運軍催募之苦一湖州府縣地僻山阻宜移置各倉於府城

明實錄隆慶五年漕運都御史王宗沐奏優恤運軍

從之

宗沐奏漕糧漂欠雖因河決亦多有貧軍侵耗鑿舟自沈者宜先議優恤凡各運船輕齎

銀兩在浙江原議三六者改為三三令有司各將扣下米數給軍其各軍兌完起運之後責令五船

同坐庶人皆樂用而漂損可漸少也戶部覆行

明會典隆慶六年令民運白糧責令糧長設處船隻

同運官幫次開程過淮洪入閘漕務叅政督催與

軍船一體輓拽

明漕運志禮科給事中陸樹德言軍運以兌軍儲民運以充官祿人

知軍運之苦不知民運尤苦也船戶之求索運軍之欺凌洪閘之守候入京入倉厥弊百出以白糧令軍帶運甚便部議申禁令而已不能從也通漕類編王宗沐議改折疏云國家財賦仰給東南然兌軍之糧六省同供而白糧之困則惟蘇松常嘉湖五府為重乞每年坐將十萬石分布五府照白糧之多寡分攤而改折之以稍休其重累著為定規如蒙勅下戶部再加查議將此二十萬四千七百八十三石八斗定為改折以處此數郡在朝廷不過居四十分之二而在列郡則誠得一分之寬

今新條派撥責在漕司容臣將此二十萬石零輪流歇運以恤無軍無船之衛所而休息之則不惟郡民之供運者獲省數萬之利而衛總之疲困者亦蒙休養之恩此所謂一舉兩得者也

通漕類編萬厯元年令官軍兌糧浙江限二月過淮

謹按漕運開倉開幫過淮俱有定限隆慶四年開倉定限十月兌完開幫定限十二月終至過淮嘉靖八年浙江限三月以內是年復限以二月自後漕運有冬兌冬開之例而過淮日期不易也

通漕類編萬厯元年令民運白糧照軍運每船許量

帶土宜四十石經過鈔關免其納稅

續文獻通考萬厯四年令浙江樣米限四月頭幫解

送總督衙門收候運糧到日轉發各倉比對

萬厯杭州府志萬厯五年督理浙江糧儲右叅政滕

伯輪撰船糧規制書

嘉靖四十四年改糧道督造淺船凡僉選旗甲支發糧科

徵收兌運弊端集伯輪悉心計畫著為此書

續文獻通考萬厯七年令輕齎銀兩照議單分為三

七以三分給本幫備船沿途完貼等費其餘兌

給回南旗軍一分餘候完掣通關之日查無掛欠

亦便與運官領回分給不必扣貯

通漕類編萬曆七年令每白糧一石裏河脚價銀一  
分五釐水脚價銀九釐經紀銀五釐扣省銀四釐  
五毫解銀庫

明會典萬曆九年令每歲解京白糧務點殷實糧戶  
正身解納船隻許令糧長自催五百料中船每百  
石定給銀三十三兩經過鈔關土宜免其納稅糧  
至丁字沽以北河西務主事即照軍糧所定脚價  
撥船起剝經紀搬捫過壩不許仍前寄囤糧完之

日解戶批單發部運官領回類繳

續文獻通考萬曆九年令浙江漕船先因瓜洲車壩將雜木作底五年一更後因建閘得免車盤改限七年今改楠木計價一百二十七兩必駕運十年方許另造

續文獻通考萬曆十二年令兩浙巡鹽御史仍帶管漕糧止行文督催免其押送鎮江

明會典萬曆十三年令浙江二總輕齎餘銀原議每



船三兩今增一兩共四兩其扣省銀兩照舊扣除  
通漕類編萬曆十五年令將原派浙東浙西總下寧  
波處州衢州杭前杭右嚴州六衛所原運淮揚二  
府兌改正糧四萬九千四百七十四石三升軍船  
一百五十隻俱改回本省照數撥運其錦衣總下  
廣洋龍江右豹韜左三衛原兌浙糧軍船照數改  
運蘇州府吳江嘉定二縣漕糧

續文獻通考萬曆二十八年巡漕佾祺陳漕政五事

從之

一議水次併幫以便責成原定運糧一州一縣止許於一衛交兌兌支不盡方許兌於別

衛不許將一州一縣分作三四衛亦不許將一衛分作三四州縣及以遠派近以近派遠庶無顧此失彼之患一議處置漕船以便新運漕船係轉輸首務今軍衛有司等官或以料銀缺乏為辭或以底板不到為諉耽延誤運今宜嚴催料銀勒限補追每年運糧過淮之日各該把總通將見運及存衛船數呈送查核料理新運一申飭科斂常例漕運總兵官專一咨訪總運各官科斂旗軍情弊不許徇情容縱一申飭押空糧船漕儲道選完糧才力指揮一二員填寫長坐委令隨幫押回有間道潛歸及在途貿易為非者即以棄運私逃事例坐之一申飭行月二糧前項糧銀除扣留解幫人標外其餘并一應錢糧務候船到盡數給領倘一時正餉不全即於庫貯別項錢糧借給

歸安縣志萬曆三十六年浙西水災湖州知府陳幼學具疏請卹令改折漕糧

歸安縣志崇禎十三年湖郡水災知府陸自巖奏請蠲折從之

江南通志崇禎十六年應天巡撫黃希憲請改運白

糧黃希憲請改運白糧疏白糧為上供急需遞年蠲點糧解春辦免納相沿久矣邇因百弊叢生

求為恤民裕國之長策莫善於均徵米而官運之官運則民無催備之費一便也官無僉役之難二便也錢糧既自官支吏胥無從抽扣三便也在船皆官役船戶無敢凌虐四便也催徵皆官事沿途

無敢拋撇五便也。況米屬均徵，則苦樂之形不立。巧拙之情自化，糧不必詭，寄飛灑差不必就易避。難六便也。然其中有當議者五：馬凡白糧正耗春辦夫船等米一槩算入平米之內派之，此派糧之公可行也。原編耗米之外另編加二以補沿途之消損，以平米一石計之，不過合勺而已。此加耗之輕可行也。民間辦糧盡數交倉，無此漕彼白之分。縣官就完米中擇其乾潔者交協部官動支，春辦交割總部完辦開船啓行，先可免漕艘阻壓之患。此徵辦之速可行也。運船向係民僱，官運則必用官船，計每船管船頭舵水手各安家衣食等項，以及買辦包索遇淺起剝遇溜添簞等項，計每船用米五十石，用銀三百二十五兩。以原編夫船貼役米計之，除支外米尚有餘，以原編夫船貼役銀計之，除儘支外銀尚不足，以有餘之米當不足之銀，臨時調劑是經費不煩增設矣。至於管押起交侵盜

漂夫每船各有責成遇有虧欠勒限賠補懸大法  
以繩其後蓋既不可以復問糧里則責成自有在  
矣

浙江通志卷八十

欽定四庫全書

浙江通志卷八十一

漕運

中

國朝

皇清定鼎燕京歲輸浙江漕米以充軍國之需著為定額有正兌米有改兌米正兌入京倉改兌入通倉至白糧所以上供

天廚而給百官俸祿也漕項用以徵銀解部而備轉輸

諸費也設專員以重責成置弁丁以供輪派船有定數運有常期有行月以優恤旗丁有則例以考察官吏一應事宜分列於後

歲額

浙江正兌米陸拾萬石改兌米參萬石每石加耗肆斗又該米貳拾伍萬貳千石內改折灰石正米壹萬參千參百貳拾參石柒斗耗米伍千參百貳拾玖石肆斗捌升每石折銀壹兩貳錢該銀貳萬貳

千叁百捌拾叁兩捌錢壹分陸釐解部充餉外實  
兌運正米伍拾捌萬柒千叁百壹拾石捌斗耗米  
貳拾叁萬肆千玖百貳拾肆石叁斗貳升改兌正  
米貳萬玖千叁百陸拾伍石伍斗耗米壹萬壹千  
柒百肆拾陸石貳斗遇閏減徵正耗米叁百陸拾  
叁石伍斗捌升折銀肆百叁拾陸兩貳錢玖分陸  
釐增入灰石錢糧項下解部充餉

以上共徵正兌改兌漕糧正耗米捌拾陸萬叁千



參百肆拾陸石捌斗貳升內遇閏共減徵正耗米  
參百陸拾參石伍斗捌升

杭州府

錢塘縣漕糧正耗米貳萬肆百伍拾伍石捌斗參  
升肆合遇閏減徵米捌石陸斗壹升

仁和縣漕糧正耗米肆萬陸千玖百玖拾貳石伍  
升遇閏減徵米壹拾玖石柒斗參升伍合捌勺

海寧縣漕糧正耗米肆萬玖千伍百貳石陸斗玖

升捌合遇閏減徵米貳拾石捌斗捌升伍合貳勺  
富陽縣漕糧正耗米伍千貳百壹拾玖石捌斗叁  
升遇閏減徵米貳石貳斗伍合

餘杭縣漕糧正耗米壹萬玖百陸拾叁石壹斗貳  
升遇閏減徵米肆石陸斗叁合貳勺

臨安縣漕糧正耗米肆千叁百捌拾伍石貳斗肆  
升捌合遇閏減徵米壹石捌斗肆升壹合

於潛縣漕糧正耗米貳千壹百玖拾貳石陸斗貳

卷八十一  
升肆合遇閏減徵米玖斗壹升玖合捌勺

新城縣漕糧正耗米貳千陸百柒拾貳石貳斗陸  
升肆合遇閏減徵米壹石壹斗貳升肆合貳勺

昌化縣漕糧正耗米壹千伍百柒石肆斗叁升陸  
合遇閏減徵米陸斗叁升玖合捌勺

通計杭州府屬漕糧正耗米壹拾肆萬叁千捌百  
玖拾壹石壹斗肆合遇閏減徵米陸拾石伍斗

陸升肆合

嘉興府

嘉興縣漕糧正耗米捌萬肆千肆百叁石捌斗肆  
升肆合遇閏減徵米叁拾伍石伍斗玖升叁合陸  
勺

秀水縣漕糧正耗米柒萬叁千陸百肆拾肆石柒  
斗陸升遇閏減徵米叁拾石玖斗貳升叁合貳勺  
嘉善縣漕糧正耗米捌萬貳千肆百捌拾貳石伍  
斗伍升肆合遇閏減徵米叁拾肆石柒斗柒升陸

合

海鹽縣漕糧正耗米肆萬陸千陸百貳拾肆石捌

斗參升遇閏減徵米壹拾玖石陸斗貳升捌合

石門縣漕糧正耗米肆萬肆千伍百伍拾玖石陸

斗陸合遇閏減徵米壹拾捌石柒斗壹升參合捌

勺

平湖縣漕糧正耗米肆萬捌千伍百伍拾壹石陸

斗參升陸合遇閏減徵米貳拾石肆斗柒升伍合

桐鄉縣漕糧正耗米參萬柒千柒百貳石貳斗壹升遇閏減徵米壹拾伍石捌斗柒升肆勺

通計嘉興府屬漕糧正耗米肆拾壹萬柒千玖百陸拾玖石肆斗肆升遇閏減徵米壹百柒拾伍石玖斗捌升

湖州府

烏程縣漕糧正耗米壹拾萬貳百柒拾貳石玖斗捌升肆合遇閏減徵米肆拾貳石貳斗柒升捌合

陸勺

歸安縣漕糧正耗米捌萬伍千貳百貳拾壹石玖  
斗叁升肆合遇閏減徵米叁拾伍石捌斗柒升柒  
合捌勺

長興縣漕糧正耗米肆萬捌千貳百捌拾石貳斗  
陸升遇閏減徵米貳拾石叁斗貳升貳合肆勺

德清縣漕糧正耗米肆萬捌千捌百壹拾貳石叁  
升陸合遇閏減徵米貳拾石陸斗玖合肆勺

武康縣漕糧正耗米壹萬捌百陸拾壹石柒斗壹  
升捌合遇閏減徵米肆石伍斗陸升陸合捌勺

安吉州漕糧正耗米捌千叁拾柒石叁斗肆升肆  
合遇閏減徵米叁石叁斗捌升壹合

通計湖州府屬漕糧正耗米叁拾萬壹千四百捌  
拾陸石貳斗柒升陸合遇閏減徵米壹百貳拾  
柒石叁升陸合

凡隨時改折或因恤災或因撥餉俱照時價折徵



多寡不一順治八年戶部覆准江浙水災除三分  
以下不議外四分至七分為輕災每石徵本色六  
斗折色四斗八分至十分為重災每石徵本色五  
斗折色五斗

康熙九年九月戶部為嘉湖水災漕糧仰懇改折  
等事議覆浙江巡撫范承謨疏稱浙省嘉湖二府  
今歲自春徂夏霖雨連綿秋成絕望災民懇援准  
揚被災之例蠲漕之外復求請賑臣以為民命宜

恤國課當籌請照順治八年之例將嘉湖二府漕  
糧量加折價每石折銀一兩省民間買運之費免  
耗潤漕截之徵省造修漕船運軍行月等銀五萬  
六千餘兩米三萬一千餘石輕齎等銀仍行解部  
抑臣更有請者除白糧并改折之外尚該南糧漕  
糧數十餘萬本地之米恐難足額即以私米抵代  
不必分別粳私庶受溺餘黎不致重困等因具題  
前來應如該撫所請每石折銀一兩徵解其漕折

輕齋銀兩并造修漕船行月等項銀米仍行解部  
再米既停運改折其耗潤米八萬九千六百餘石  
民間幫貼漕截銀十萬五千餘兩應行免徵使民  
沾實惠南米漕糧如本地之米不足即以私米兌  
抵其改折各項數目造冊報部查核可也奉

旨依議

康熙十一年十一月戶部為浙省災傷等事議覆  
浙江巡撫范承謨疏稱浙西連年水旱今歲異蟲

遍野攢禾啣稻無粒米可獲杭屬之仁錢二縣嘉屬嘉秀等七縣湖屬之安吉等六州縣自被災五分以至十分約計漕糧正米三十二萬四千餘石仰祈准援康熙九年之例改折徵銀其漕截耗潤亦循例除豁輕齎等銀照額解部又可省造船等項銀米再折漕之價自五分至十分不論正兌改兌每石一例折銀七錢徵解內歸烏德清地處最窪民尤至困三縣漕折若不可免請照江南近例寬以

兩年帶徵至被災三四分者例不蠲折所收之稻不能盡照常年米色請以江楚私米隨便交兌等因具題前來查漕糧關係重大連年江浙等省蠲折甚多京通倉存貯無幾不足國用不便盡折浙省仁和等十五州縣漕糧既稱已被異常災傷應將十一年分漕糧被災九分十分者每石折銀七錢其八分以下被災州縣漕糧仍徵本色起運至歸安烏程德清三縣既稱地處最窪民尤至困請

照江南之例寬以兩年帶徵應將漕糧本年一半  
來年一半帶徵折漕輕齎并造漕船行月等項銀  
兩照數解部幫貼漕糧等項銀米漕糧既經改折  
俱准蠲免至被災各州縣應徵米石既稱不能盡  
照常年米色請以江楚私米交兌亦應准其不分  
米色將私米兌運可也奉

旨依議

康熙二十三年九月以從前兵興轉餉繁苦奉

上諭免二十三年分浙江漕米三分之一

互見  
蠲恤

康熙三十年十二月奉

上諭

恭紀  
首卷

湖廣江西浙江江蘇安徽山東應輸漕米着

自康熙三十一年始以次各蠲免一年

康熙三十一年二月戶部為欽奉

上諭事議覆浙江巡撫張鵬翮疏稱奉

旨截留康熙三十一年起運三十年漕糧十萬石存置

倉廩以備需用兵民莫不懽欣感頌惟是浙省年

歲豐稔起運漕糧自開徵之後百姓樂於輸將徵  
兌各官恪遵冬兌冬開之例俱於十一月二十等  
日未奉

上諭之前盡數開行出境況浙省兵食無匱莫若將已  
運之漕糧仍運京倉而於三十一年徵運漕米之  
內截留十萬石貯倉備用等因具題前來應如所  
題於三十一年分徵運漕米內截留可也奉

旨依議



康熙四十七年十月戶部為欽奉

上諭事覆准杭州湖州兩府屬被災八州縣各戶漕糧

今年徵收一半明年帶徵一半

詳見  
蠲恤

康熙四十七年十月戶部為欽奉

恩詔事議准浙江所屬杭嘉湖三府額徵本年漕糧令

該督撫酌量均勻截留八萬石預備平糶

詳見  
蠲恤

康熙四十九年三月戶部奉

特旨免徵浙江杭湖二府緩徵帶徵漕米九萬二千餘

石 互見  
蠲恤

康熙五十三年十一月欽奉

上諭

恭紀  
積貯

截留浙江本年起兌漕米十萬石免其運通

豫備積貯

康熙六十年十二月浙江巡撫屠沂為籲懇

皇恩等事題准將浙省本年應徵漕米內截留二十萬

石以裕積貯

詳見  
積貯

雍正元年十一月戶部奉

上諭

恭紀  
首卷

杭嘉湖所屬十四州縣額徵漕米一半徵收

一半改折其改折之價照康熙九年例每米一石

折銀一兩其十六萬漕米紅白兼收

互見  
蠲恤

雍正四年十一月浙江巡撫臣李衛為據情奏明

事題准杭嘉湖三府所屬仁錢等十州縣一所漕糧照雍正元年之例每石折徵銀一兩其餘被水

州縣漕米令紅白兼收尖團並納

詳見  
蠲恤

雍正五年十一月戶部為彙報偏災等事議覆浙

江總督管巡撫事李衛疏稱本年仁和錢塘餘杭  
臨安新城安吉長興武康德清鄞縣等十州縣勘  
實被災田畝漕糧無出照往年改折之數每石一  
兩徵收具題前來查漕米向無折徵雍正元年浙  
省被災我

皇上軫念民瘼將漕米令其改折一半每米一石折銀  
一兩此出格外

洪恩不便引為成例查浙省支給運丁行糧每米一石

係折銀一兩二錢應令該督照依此例每石以一兩二錢折徵完報可也奉

旨依議

雍正六年十月欽奉

上諭

恭紀  
首卷

浙江漕米准令紅白兼收糶粳並納永著為

例

雍正八年三月欽奉

上諭據御史竇啟璜條奏內稱徵收糧米用聯三版串

之法甚為妥協惟是有漕地方未曾奉有部文未必  
通行畫一等語朕將竇啟瑛所奏發與倉場侍郎岳  
爾岱涂天相查議據岳爾岱等奏稱聯三版串之法  
應令有漕地方畫一通行嗣後州縣徵收糧米之時  
預將各里各甲花戶額數的名填定聯三版串一給  
納戶執照一發經承銷冊一存州縣查對按戶徵收  
對冊完納即行截給歸農其未經截給者即係欠戶  
該印官查摘追比若遇有糧無票有票無糧等情即

係胥吏侵蝕立即監禁嚴追如此則胥役之伎倆莫施於吏治民生甚有裨益等語着照該御史所請及倉場侍郎所議行知各直省督撫轉飭所屬有漕州縣一體遵行特諭

雍正九年十一月欽奉

上諭

恭紀  
首卷

嘉興府屬之七縣並杭屬之海寧一縣漕米

照雍正元年四年例每石改折銀一兩徵解

雍正十一年十月十四日欽奉

上諭

恭紀  
首卷

杭嘉二府各截留本年額徵漕米五萬石以

備平糶湖州府之歸安烏程二縣應徵漕米並帶

徵漕米照部定折價改徵

雍正十三年十二月初八日欽奉

上諭

恭紀  
蠲恤

將雍正十二年以前未完帶徵緩徵本色改

折漕米銀兩查明豁免

白糧

浙江白粳正米伍萬壹千石耗米貳萬貳千玖百伍



拾石白糯正米壹萬伍千壹百玖拾玖石玖斗玖  
升捌合耗米陸千捌百叁拾玖石玖斗玖升玖合  
壹勺

以上共徵白糧粳糯正耗米玖萬伍千玖百捌拾  
玖石玖斗玖升柒合壹勺

嘉興府

嘉興縣白糧粳糯正耗米壹萬貳千叁百貳拾石  
捌斗玖升捌合柒勺陸圭柒粟捌黍內白糯正耗

米貳千陸百柒拾陸石陸斗玖升柒合捌勺伍撮  
柒圭貳粟捌黍

秀水縣白糧粳糯正耗米壹萬貳百玖拾柒石玖  
斗玖升伍合貳勺貳抄壹撮肆圭壹粟壹黍內白  
糯正耗米貳千叁百玖拾叁石壹斗伍升肆合玖  
勺陸撮玖圭壹粟壹黍

嘉善縣白糧粳糯正耗米壹萬壹千玖百肆拾柒  
石捌斗柒升肆合肆勺壹抄玖撮貳圭貳粟柒黍

伍粳內白糯正耗米貳千貳百伍拾柒石伍升捌  
合壹勺玖抄貳撮肆圭柒粟柒黍伍粳

海鹽縣白糧粳糯正耗米陸千陸百參拾肆石參  
斗肆升玖合貳勺捌抄伍撮參圭肆粟伍粒壹黍  
內白糯正耗米壹千陸百陸拾參石玖斗玖升柒  
合捌勺壹抄玖圭玖粟伍粒壹黍

石門縣白糧粳糯正耗米陸千貳拾壹石玖斗壹  
升壹合參勺玖抄玖撮貳圭貳粟陸粒參黍內白

糯正耗米壹千肆百玖石肆斗叁升壹合柒勺肆抄貳撮叁圭柒粟陸粒叁黍

平湖縣白糧粳糯正耗米柒千壹拾壹石玖斗壹升伍合伍勺壹抄肆撮柒圭陸粟叁粒貳黍伍粃  
內白糯正耗米壹千玖百叁石捌斗捌升捌勺叁抄壹撮柒圭陸粟叁粒貳黍伍粃

桐鄉縣白糧粳糯正耗米伍千貳百陸拾伍石叁斗伍升捌合陸勺肆抄柒撮伍圭陸粟叁粒柒黍

內白糯正耗米壹千壹百捌拾伍石壹斗叁升肆  
合捌勺叁抄伍圭陸粟叁粒柒黍

通計嘉興府屬白糧粳糯正耗米伍萬玖千伍百  
石叁斗叁合壹勺捌抄捌撮叁圭內白糯正耗  
米壹萬叁千叁百捌拾玖石叁斗伍升陸合壹  
勺貳抄捌圭

湖州府

烏程縣白糧粳糯正耗米壹萬叁千叁百叁拾壹

石柒斗捌升柒合伍勺陸抄參撮柒圭貳粟伍粒  
貳黍伍粍內白糖正耗米貳千捌百貳拾肆石肆  
斗伍升叁合貳勺陸抄壹撮貳圭貳粟伍粒貳黍  
伍粍

歸安縣白糧粳糯正耗米壹萬玖百肆拾貳石柒  
斗柒升柒合玖勺肆抄叁撮玖圭玖粟貳粒伍黍  
內白糖正耗米貳千陸百陸拾伍石伍斗柒合肆  
勺陸抄叁撮玖圭玖粟貳粒伍黍

長興縣白糧粳糯正耗米伍千壹百陸拾石捌斗  
捌升柒合伍抄柒圭肆粟捌粒肆黍內白糯正耗  
米壹千肆百貳拾壹石肆斗柒升叁合陸勺肆抄  
柒圭肆粟捌粒肆黍

德清縣白糧粳糯正耗米五千玖百叁拾貳石伍  
斗肆升陸合柒勺壹抄壹撮叁圭陸粒伍黍伍粃  
內白糯正耗米壹千叁百肆拾捌石玖斗壹抄捌  
撮捌圭陸粒伍黍伍粃

武康縣白糧粳糯正耗米壹千壹百貳拾壹石陸  
斗玖升肆合陸勺肆抄壹撮玖圭貳粟柒粒叁黍  
內白糯正耗米叁百玖拾石叁斗陸合伍勺玖抄  
肆撮肆圭貳粟柒粒叁黍

通計湖州府屬白糧粳糯正耗米叁萬陸千肆百  
捌拾玖石陸斗玖升叁合玖勺壹抄壹撮柒圭  
內白糯正耗米捌千陸百伍拾石陸斗肆升玖  
勺柒抄玖撮貳圭



### 順治二年戶部覆准白糧民運改為官解

謹按明季白糧運解之累莫可殫述其裝運之艱募船則奸竊中耗浮河則涉險多虞且一經風波再經盤剝而虧損不可勝計矣其交納之苦京花積蠹包攬使費科派百出比至交納有公室私量之異有通倉京倉之分截留闕支晒颺尖踢其虧損更不可勝計矣至變產故鄉稱貸京邸冀補額掣批而衙門勒索要質經年有司追呼部批且答繫其家屬白梃運解之病民如此

皇朝改民運為官運其弊悉除兩浙之民感沐聖恩洵淪肌而浹髓矣

順治六年戶部題准江浙白糧本年徵解十萬石餘折充餉每石連耗米春辦夫船米共折銀一兩

五錢十二年戶部議准改折白糧因米價甚貴每石折銀二兩解部

康熙二年戶部題准白糧除光祿寺改折三萬石每石折銀一兩五錢解該寺外餘米俱徵本色起運

康熙十四年戶部為改折白糧以濟兵餉事查得現今用兵之際軍需浩繁即議捐議省不敷甚多應將江浙二省運送白糧暫為改折浙江省白糧

正米六萬六千二百石耗米二萬九千七百九十石飯米一萬二千二百五十九石八斗應照順治十一年以前舊例每石折銀一兩五錢相應請

勅總漕該撫即將康熙十五年起運十四年分白糧照數速行折徵仍依定限全完具題撥給軍需如有已經徵收者具題起運本色未經徵收者速行改折具題俟事平之後仍徵本色起運可也奉

旨依議

康熙二十二年戶部覆准江南浙江白糧全徵本色起運

雍正六年十月二十二日戶部為敬陳管見等事議覆陞任浙江糧道蔡仕彤條奏糧務一白糧宜隨漕並徵也白糧關係

上供春辦宜極純潔糧戶每畝應納白米無多江南省俱隨漕統徵民貼耗米官代春白浙省則聽民自春白米於完漕糧外另納零星升合出自千萬手

所春雖加意選擇米色終難純一又官多一次徵  
比民多一次輸納兌開每致殿後臣愚以為宜照  
江南例統徵所有貼耗米數臣署藩司時見嘉興  
烏程二縣額解南米官俸條下每斗加春白折耗  
三升春碾雜賞皆出其中請將各州縣白糧俱准  
其加三隨漕統徵該州縣雇募人夫就中選擇乾  
圓好米春白交兌庶米色得純兌開可速小民輸  
將亦為省便等語應如所奏嗣後浙江白糧照江

南之例隨漕並徵至貼耗米數查江南省以民輸  
糙米官為舂辦康熙六十一年以前每年有量斛  
米色束包人夫工食銀兩較之浙省經費稍多臣  
部以康熙四十三年浙省白糧經費已照漕例支  
給江南亦應一例減裁已屢行駁追在案今浙省  
白糧雖改隨漕並徵其經費自應仍舊無庸增改  
可也奉

旨依議

雍正七年十二月戶部為遵奉

上諭敬陳管見事議覆工部右侍郎署吏部侍郎事宗  
室塞爾赫條奏內稱通州三倉現今所存江米共  
七萬四千石有餘兼本年新收約計有九萬餘石  
每年春秋二季支放俸米所需江米不過一萬四  
千石臣署任時見江米多有變為黃色者以臣愚  
見每年支放俸米所需江米無多現今倉貯約計  
可以支放六年有餘應令漕運總督將應運江米

暫行停止俟五年後再照例解運等語查通倉每  
歲額進江米二萬四千石搭放六色俸米併備內  
倉取用之需通三倉現貯江米約九萬石零足供  
六年支放應如所奏將江米暫行停運但本年江  
米已經徵收開兌在迺應令仍照定額起運於明  
年為始暫行停運將蘇松常嘉湖五府應徵江米  
行令總漕併江浙二省督撫飭令各州縣改徵白  
粳照江米額數兌收起運約計通倉所存江米四



年將次放完於雍正甲寅年仍照舊徵收江米起  
運可也奉

旨依議

漕項

浙江額徵本色月糧銀陸萬壹千柒百陸拾肆兩壹  
錢叁分壹釐陸毫柒絲捌忽柒微壹塵玖渺肆漠  
肆埃玖纖捌沙遇閏加徵銀伍千壹百陸拾柒兩  
柒錢柒分陸釐柒毫柒忽柒微陸塵壹渺柒漠捌

埃玖織柒沙 折色月糧銀捌萬叁千貳百玖兩  
陸錢叁分陸釐貳毫玖絲捌忽柒微肆塵柒渺柒  
漠玖埃捌織遇閏加徵銀肆千肆百叁拾捌兩貳  
錢捌分 廩工銀肆千玖百玖拾壹兩陸錢 永  
福并路費銀玖千陸拾貳兩貳錢肆分肆釐 永  
減備料銀肆千肆百叁拾兩壹錢柒分叁釐陸毫  
肆絲玖忽陸微貳塵伍渺壹漠柒埃 淺貢銀叁  
萬伍千肆百肆拾捌兩肆錢玖分捌釐陸毫陸絲

伍忽肆微壹塵柒渺陸漠捌埃陸沙 輕齎蓆木  
等銀壹拾壹萬叁千肆百捌拾貳兩伍分柒釐

折色行糧銀肆萬柒百陸拾玖兩叁分壹釐陸毫  
漕糧改折灰石銀貳萬貳千叁百捌拾叁兩捌  
錢壹分陸釐遇閏加徵銀肆百叁拾陸兩貳錢玖  
分陸釐 漕糧改折灰石項下漕截銀伍千柒百  
柒拾玖兩壹錢伍分肆釐捌毫柒絲伍忽遇閏加  
徵銀壹百壹拾貳兩陸錢肆分肆釐捌毫柒絲伍

忽 灰石路費銀貳百伍拾參兩肆錢陸分陸釐

柒毫叁絲柒忽捌微柒塵伍渺遇閏加徵銀肆兩

玖錢肆分肆釐陸絲柒忽捌微柒塵伍渺 搬挖

銀壹千貳百壹拾玖兩貳錢伍分陸釐壹毫 漕

截銀貳拾陸萬柒千肆百捌拾參兩叁錢肆分伍

釐壹毫貳絲伍忽遇閏減徵銀壹百壹拾貳兩陸

錢肆分肆釐捌毫柒絲伍忽 因漕糧有減徵故給  
軍之漕截亦照減徵

入灰石項  
下解部 車夫銀伍萬捌千肆拾陸兩貳錢肆

分貳毫肆忽玖微貳塵肆渺柒漠伍埃 經費銀  
壹萬柒百兩壹錢叁分捌釐肆毫伍絲柒忽陸微  
肆塵貳渺貳埃陸纖 丁字沽銀柒千玖百肆拾  
肆兩 經費食米折銀陸千肆百捌拾兩玖錢柒  
分貳釐玖毫伍絲伍忽捌微柒塵陸漠陸埃貳纖  
柒沙 餘租銀貳千貳百陸兩柒錢肆分伍釐肆  
毫貳絲玖忽柒微肆塵捌渺肆漠陸埃叁纖捌沙  
以上共徵漕項銀柒拾叁萬伍千陸百伍拾肆兩

伍錢捌釐柒毫柒絲捌忽伍微柒塵壹渺玖沙遇  
閏加徵銀壹萬壹百伍拾玖兩玖錢叁分捌釐伍  
絲陸微叁塵陸渺柒漠捌埃玖纖柒沙內減徵漕  
截銀壹百壹拾貳兩陸錢肆分肆釐捌毫柒絲伍  
忽實徵加閏銀壹萬肆拾柒兩貳錢玖分叁釐壹  
毫柒絲伍忽陸微叁塵陸渺柒漠捌埃玖纖柒沙

杭州府

錢塘縣額徵本折月糧廩工永福淺貢輕齎行折

灰石漕截共銀壹萬壹千柒百叁兩肆分伍釐捌毫柒絲陸忽叁微肆塵叁渺壹漠捌埃柒纖玖沙  
遇閏加徵銀貳百貳拾捌兩陸分玖釐肆毫玖絲  
伍忽貳微壹塵陸渺柒漠捌埃

仁和縣額徵本折月糧廩工永福淺貢輕齋行折  
灰石漕截共銀叁萬貳百柒拾叁兩柒錢叁分柒  
釐柒毫貳絲伍忽壹微陸塵貳渺捌漠肆埃捌纖  
遇閏加徵銀叁百貳拾壹兩伍錢玖分玖釐叁毫

肆絲捌微肆塵柒渺柒漠玖埃

海寧縣額徵本折月糧廩工永福永減淺貢輕齎  
行折灰石漕截共銀貳萬玖千柒百伍拾壹兩捌  
錢壹分叁毫壹絲壹忽肆塵肆渺玖漠肆埃遇閏  
加徵銀壹百陸拾伍兩玖錢伍分肆釐貳絲捌忽  
捌微肆塵陸埃

富陽縣額徵本折月糧廩工永福淺貢輕齎行折  
灰石漕截共銀叁千叁百陸拾柒兩捌錢伍分叁



釐陸毫肆絲陸忽伍微捌塵柒渺柒漠捌織陸沙  
遇閏加徵銀壹百柒拾陸兩柒錢陸分捌釐壹毫  
陸絲叁忽壹微伍渺捌埃陸織

餘杭縣額徵本折月糧廩工淺貢輕齎行折灰石  
漕截共銀陸千肆百捌拾捌兩貳錢捌分貳釐叁  
毫壹忽捌微壹塵壹渺玖漠肆埃陸織遇閏加徵  
銀陸拾壹兩肆錢叁分壹毫叁絲貳忽叁微玖塵  
肆渺陸漠捌埃

臨安縣額徵本折月糧廩工淺貢輕齋行折灰石  
搬托漕截共銀叁千叁百肆拾貳兩貳錢肆分伍  
釐柒毫叁絲壹忽肆微陸塵伍渺伍纖叁沙遇閏  
加徵銀壹百叁拾壹兩柒錢壹分伍釐柒毫肆絲  
捌忽柒微肆塵壹漠玖埃玖纖柒沙

於潛縣額徵本折月糧廩工淺貢輕齋行折灰石  
搬托漕截共銀壹千柒百玖兩壹分貳釐柒毫貳  
絲伍忽柒微叁塵貳漠肆埃遇閏加徵銀伍拾肆

兩壹錢壹分肆釐貳毫捌絲捌忽肆微叁塵叁渺  
伍漠壹埃

新城縣額徵本折月糧廩工淺貢輕齋行折灰石  
檄柁漕截共銀貳千壹百叁拾陸兩陸錢貳釐柒  
毫貳絲肆忽伍微貳塵叁渺肆漠捌埃遇閏加徵  
銀柒拾玖兩柒錢柒分肆釐玖毫壹絲肆忽玖微  
壹塵柒漠柒埃

昌化縣額徵本折月糧廩工淺貢輕齋行折灰石

椒柁漕截共銀壹千壹百叁拾捌兩玖錢貳分貳  
釐壹毫柒絲伍忽壹微肆塵壹渺貳漠柒埃伍纖  
叁沙遇閏加徵銀叁拾壹兩貳錢柒分柒釐肆毫  
肆絲貳忽柒微捌塵柒漠伍埃

杭州前衛額徵餘租銀貳百捌拾兩捌錢叁分貳  
釐伍毫柒絲陸忽叁微柒塵伍渺叁漠捌埃陸纖  
捌沙

杭州右衛額徵餘租銀貳百陸拾肆兩叁錢貳釐

陸毫參絲伍忽肆微參塵陸渺陸漠參埃陸織陸  
沙

海寧衛額徵餘租銀貳百壹拾柒兩捌錢參分肆  
釐肆毫壹絲參忽陸微陸塵柒渺伍漠貳埃壹織  
參沙

通計杭州府屬額徵本折月糧廩工永福永減淺  
貢輕齋行折灰石搬挖漕截餘租共銀玖萬陸  
百柒拾肆兩肆錢捌分貳釐捌毫肆絲參忽貳

徵玖塵壹漠柒埃伍纖捌沙遇閏加徵銀壹千  
貳百伍拾兩柒錢叁釐伍毫伍絲伍忽貳徵陸  
塵玖渺陸漠貳埃伍纖柒沙

### 嘉興府

嘉興縣額徵本折月糧廩工水福淺貢輕齋行折  
灰石漕截車夫經費丁字沽食米折共銀伍萬捌  
千陸拾貳兩玖分叁釐叁毫柒絲肆微捌塵柒漠  
叁埃遇閏加徵銀壹百叁拾貳兩玖分壹釐陸毫

陸絲柒忽貳微陸塵

秀水縣額徵永福淺貢輕齋行折灰石漕截車夫  
經費丁字沽食米折共銀肆萬玖千壹百貳拾玖  
兩玖分叁釐捌毫捌絲陸忽肆微壹塵柒渺伍漠  
陸埃遇閏加徵銀叁拾柒兩伍錢貳分捌釐叁絲  
陸忽伍微玖塵

嘉善縣額徵本折月糧廩工永福淺貢輕齋行折  
灰石漕截車夫經費丁字沽食米折共銀伍萬伍

千壹百叁拾兩柒錢柒分柒釐伍毫壹忽貳微捌  
塵柒渺肆漠叁埃遇閏加徵銀壹百柒兩玖錢伍  
分柒釐壹毫柒絲捌忽捌微陸塵貳渺伍漠貳埃  
海鹽縣額徵永福淺貢輕齋行折灰石漕截車夫  
經費丁字沽食米折共銀叁萬壹千柒百玖拾捌  
兩叁分柒釐玖絲伍忽叁微肆塵壹渺陸埃遇閏  
加徵銀貳拾叁兩捌錢貳分叁毫壹絲貳忽玖微  
柒塵伍渺



石門縣額徵永福淺貢輕齋行折灰石漕截車夫  
經費丁字沽食米折共銀貳萬玖千壹百柒拾

關

兩壹錢陸分陸釐壹毫壹絲玖忽壹微肆塵貳漠  
捌埃遇閏加徵銀貳拾貳兩柒錢壹分捌毫伍絲

關

陸塵陸渺貳漠伍埃

平湖縣額徵永福淺貢輕齋行折灰石漕截車夫  
經費丁字沽食米折共銀叁萬壹千伍百捌拾叁  
兩叁錢伍分柒釐陸毫貳絲壹壹忽叁微陸塵玖渺

貳漢遇閏加徵銀貳拾肆兩捌錢肆分捌釐貳毫  
貳絲柒忽叁微肆塵闕 沙柒漢伍埃

桐鄉縣額徵折色月糧永福淺貢輕齋行折灰石  
漕截車夫經費丁字沽食米折共銀貳萬伍千肆  
百柒拾叁兩玖錢貳分柒釐貳毫肆絲叁忽柒塵  
肆沙捌漢貳埃遇閏加徵銀肆拾玖兩捌錢肆分  
陸釐柒毫陸絲陸忽貳微叁塵

嘉興所額徵餘租銀貳百捌兩陸錢伍分肆釐陸

毫柒忽肆微捌塵捌渺陸伍埃肆纖陸沙

通計嘉興府屬額徵本折月糧廩工水福淺貢輕  
齎行折灰石漕截車夫經費丁字沽食米折餘  
租共銀貳拾捌萬伍百伍拾玖兩壹錢柒釐肆  
毫肆絲肆忽伍微玖塵玖渺柒漠叁埃肆纖陸  
沙遇閏加徵銀叁百玖拾捌兩捌錢叁釐叁絲  
肆忽柒微貳塵柒渺伍漠貳埃

湖州府

烏程縣額徵本折月糧永福淺貢輕齋行折灰石  
漕截車夫經費丁字沽食米折共銀陸萬伍千柒  
百陸拾捌兩貳錢壹分肆釐叁毫叁絲陸忽伍微  
壹塵陸渺玖漠陸埃遇閏加徵銀伍拾貳兩肆錢  
壹分壹釐柒毫陸絲伍忽叁微貳塵伍渺陸漠玖  
埃

歸安縣額徵本折月糧永福淺貢輕齋行折灰石  
漕截車夫經費丁字沽食米折共銀伍萬陸千叁

百貳拾柒兩捌錢壹分玖釐捌毫壹忽柒微玖塵  
捌渺陸漠壹埃捌纖柒沙遇閏加徵銀肆拾伍兩  
伍錢柒分肆毫伍絲捌忽壹微伍塵伍渺伍漠柒  
埃

長興縣額徵本折月糧永福淺貢輕齋行折灰石  
漕截車夫經費丁字沽食米折共銀參萬壹千玖  
百陸拾玖兩參錢玖分陸釐參毫壹忽伍微玖塵  
肆埃遇閏加徵銀參拾陸兩伍錢貳釐肆毫壹絲

玖忽壹微貳塵

德清縣額徵本折月糧永福淺貢輕齋行折灰石  
漕截車夫經費丁字沽食米折共銀叁萬貳千肆  
拾捌兩柒錢壹分柒釐貳毫捌絲叁忽捌微玖塵  
捌埃遇閏加徵銀貳拾伍兩柒錢玖分肆釐壹毫  
陸忽陸微捌渺叁漢伍埃

武康縣額徵本折月糧永福淺貢輕齋行折灰石  
漕截車夫經費丁字沽食米折共銀柒千貳百玖

拾肆兩柒錢玖分陸釐壹毫肆絲玖忽叁微伍塵  
壹渺壹漠遇閏加徵銀陸兩壹錢伍分捌釐壹毫  
叁絲貳忽玖微貳塵肆渺柒漠捌埃

安吉州額徵本折月糧永福淺貢輕齋行折灰石  
漕截共銀肆千玖百貳拾壹兩玖錢肆分陸釐壹  
毫貳絲捌忽貳微捌塵貳渺叁漠貳埃遇閏加徵  
銀貳拾伍兩伍分捌釐壹毫壹絲玖忽捌微叁塵  
叁渺玖漠叁埃

孝豐縣額徵本折月糧廩工淺貢共銀貳千肆百捌拾陸兩玖錢柒分貳釐壹毫伍絲柒忽陸塵捌渺貳漠捌埃遇閏加徵銀壹百陸兩叁錢玖分柒毫叁絲叁忽叁塵捌渺伍漠貳埃

湖州所額徵餘租銀捌拾貳兩柒錢捌分叁絲捌忽柒微捌塵貳渺伍漠壹埃捌纖玖沙

通計湖州府屬額徵本折月糧廩工永福淺貢輕齎行折灰石漕截車夫經費丁字沽食米折餘



租共銀貳拾萬玖百兩陸錢肆分貳釐壹毫玖  
絲柒忽貳微柒塵玖渺玖漠壹埃柒纖陸沙遇  
閏加徵銀貳百玖拾柒兩捌錢捌分伍釐柒毫叁絲  
伍忽陸渺捌漠肆埃

寧波府

鄞縣額徵本折月糧永減淺貢共銀陸千貳百陸  
拾肆兩叁錢捌分叁釐肆毫玖絲伍忽伍微壹渺  
陸漠遇閏加徵銀伍百壹拾貳兩壹錢肆分

慈谿縣額徵本折月糧淺貢共銀貳千玖百柒拾伍兩貳分捌釐貳毫參微玖塵叁渺貳漢壹埃肆纖柒沙遇閏加徵銀叁百伍拾伍兩肆錢玖分玖釐玖毫捌絲捌忽伍微叁塵叁渺

奉化縣額徵本折月糧淺貢共銀叁千貳百貳拾壹兩貳錢壹分捌釐貳毫貳絲肆微伍塵伍渺遇閏加徵銀叁百伍拾陸兩

鎮海縣額徵本折月糧淺貢共銀叁千壹百柒拾

壹兩肆錢叁分伍釐伍毫叁絲肆忽叁微玖塵肆  
渺遇閏加徵銀叁百捌拾壹兩貳錢貳分玖釐捌  
毫壹絲陸忽

象山縣額徵本折月糧淺貢共銀捌百捌拾玖兩  
陸分玖釐玖毫貳絲貳忽伍微伍塵遇閏加徵銀  
壹百壹拾捌兩捌錢

定海縣額徵本折月糧銀壹百叁拾壹兩捌錢伍  
分貳釐肆毫玖絲捌忽壹塵壹壹渺貳漠遇閏加徵

銀貳拾貳兩陸錢叁分壹釐貳絲柒忽陸微叁塵  
貳渺捌漠

寧波衛額徵餘租銀壹拾叁兩玖錢壹分貳釐玖  
毫貳絲伍忽陸微叁塵壹渺玖漠壹埃柒沙

通計寧波府屬額徵本折月糧永減淺貢餘租共  
銀壹萬陸千陸百陸拾陸兩玖錢柒毫玖絲陸  
忽玖微叁塵陸渺玖漠貳埃伍纖肆沙遇閏加  
徵銀壹千柒百肆拾陸兩叁錢捌毫叁絲貳忽

壹徵陸塵貳渺捌漠參沙

紹興府

山陰縣額徵本折月糧廩工永減淺貢共銀壹萬  
貳千伍百柒拾壹兩陸錢肆分伍釐柒毫玖絲參  
忽玖微玖塵參渺伍漠陸埃伍纖遇閏加徵銀捌  
百貳拾玖兩玖錢叁釐貳毫

會稽縣額徵本折月糧淺貢共銀玖千捌百玖拾  
陸兩陸錢捌分陸釐肆毫肆絲玖忽玖微伍塵肆

渺參漠捌埃伍織遇閏加徵銀伍百壹拾兩壹錢  
參分陸釐捌毫

蕭山縣額徵折色月糧淺貢共銀陸千肆百肆拾  
肆兩柒錢陸釐捌毫壹絲肆忽陸微玖渺陸漠伍  
埃捌織玖沙

諸暨縣額徵本折月糧淺貢共銀捌千玖百貳拾  
伍兩貳錢柒分柒釐參毫伍絲陸忽壹微玖渺壹  
埃闕織貳沙遇閏加徵銀壹百貳拾兩壹釐

餘姚縣額徵本折月糧淺貢共銀柒千叁百伍拾壹  
兩肆錢柒分捌毫捌絲柒忽伍微叁塵壹漠捌埃伍纖  
上虞縣額徵本折月糧廩工淺貢共銀陸千陸百壹  
兩肆釐叁毫貳絲柒忽叁微柒塵

嵎縣額徵本折月糧淺貢共銀叁千捌百叁拾兩  
玖錢陸釐陸毫叁絲壹忽伍微壹渺遇閏加徵銀  
壹百貳拾兩

新昌縣額徵淺貢銀壹百肆拾陸兩壹分伍釐肆

毫陸忽

通計紹興府屬額徵本折月糧廩工永減淺貢共  
銀伍萬伍千柒百陸拾柒兩柒錢壹分叁釐陸  
毫陸絲柒忽陸塵柒渺捌漠伍纖壹沙過閏加  
徵銀壹千伍百捌拾兩肆分壹釐

台州府

臨海縣額徵本折月糧廩工淺貢共銀伍千玖百  
肆拾貳兩捌分玖釐捌毫伍絲柒忽捌微陸塵過



閏加徵銀參百貳拾伍兩參錢捌分陸釐貳毫壹  
絲肆忽伍微陸塵

黃巖縣額徵本折月糧永減淺貢共銀陸千玖百  
柒拾壹兩捌錢伍分參釐參毫捌絲肆忽柒微捌  
塵肆渺肆漠遇閏加徵銀參百陸拾貳兩捌錢壹  
分肆釐貳毫貳忽捌塵

天台縣額徵本折月糧淺貢共銀貳千伍百伍拾  
柒兩壹分捌釐壹毫捌絲陸忽遇閏加徵銀壹百

陸拾叁兩貳錢貳分貳釐陸毫肆絲陸忽肆微

仙居縣額徵本折月糧淺貢共銀貳千壹拾叁兩肆錢玖分貳釐叁絲捌忽叁微伍塵過閏加徵銀壹百壹拾柒兩玖分肆釐伍毫柒忽貳微

寧海縣額徵本折月糧淺貢共銀貳千捌百壹拾兩伍錢貳分叁釐柒毫柒忽柒微柒塵伍渺過閏加徵銀壹百陸拾肆兩玖錢壹分伍釐伍毫肆絲陸忽肆微

太平縣額徵本折月糧淺貢共銀叁千伍百貳拾玖兩叁錢陸分壹釐壹毫玖忽叁微陸塵遇閏加徵銀貳百貳拾兩捌錢捌分陸釐捌毫捌絲叁忽叁微陸塵

台州衛額徵餘租銀貳百捌拾玖兩柒錢玖分玖釐柒毫貳絲陸忽捌微叁塵伍渺伍漠肆埃玖沙通計台州府屬額徵本折月糧廩工永減淺貢餘租共銀貳萬肆千壹百壹拾肆兩壹錢叁分捌

釐壹絲玖微陸塵肆渺玖漠肆埃玖沙過閏加  
徵銀壹千叁百伍拾肆兩叁錢貳分

金華府

金華縣額徵本折月糧廩工淺貢共銀玖百玖拾  
兩伍錢捌分柒釐肆毫陸絲肆忽遇閏加徵銀貳  
拾陸兩叁分

蘭谿縣額徵本折月糧淺貢共銀壹千玖拾陸兩  
貳錢捌釐柒毫柒絲捌微捌塵捌渺陸漠叁埃陸

織參沙遇閏加徵銀壹拾兩壹分叁釐

東陽縣額徵本折月糧淺貢共銀壹千貳百壹拾肆兩叁錢叁分肆釐叁毫叁絲壹忽貳微伍塵遇閏加徵銀肆拾伍兩伍錢陸分貳釐

義烏縣額徵本折月糧淺貢共銀玖百兩伍錢伍分玖釐柒毫壹忽陸微遇閏加徵銀叁拾貳兩柒錢柒分伍釐

永康縣額徵本折月糧淺貢共銀壹千貳百捌拾

肆兩柒錢壹分柒釐陸絲柒忽捌微肆塵柒渺柒  
漠貳埃柒纖叁沙遇閏加徵銀肆拾肆兩玖錢貳  
分伍釐伍毫

武義縣額徵本折月糧淺貢共銀柒百伍拾肆兩  
玖分玖釐叁毫遇閏加徵銀貳拾肆兩陸分叁釐  
伍毫

浦江縣額徵本折月糧淺貢共銀伍百貳拾捌兩  
壹錢陸分叁釐柒毫肆絲捌忽叁微遇閏加徵銀

壹拾陸兩肆錢玖分貳釐

湯溪縣額徵本折月糧淺貢共銀參百伍拾兩貳錢伍分陸絲肆忽玖微伍塵伍渺伍漠遇閏加徵銀玖兩壹錢參分玖釐

通計金華府屬額徵本折月糧廩工淺貢共銀柒千壹百壹拾捌兩玖錢貳分肆毫肆絲捌忽捌微肆塵壹渺捌漠陸埃參纖陸沙遇閏加徵銀貳百玖兩

衢州府

西安縣額徵本折月糧淺貢共銀貳千壹百貳拾伍兩陸錢陸分肆釐陸毫伍絲遇閏加徵銀壹百壹兩肆錢貳分叁釐伍毫貳絲

龍游縣額徵折色月糧淺貢共銀貳千捌百陸拾陸兩玖錢玖分貳釐陸毫玖絲叁忽貳微柒塵貳渺柒漠貳埃柒纖叁沙

常山縣額徵本折月糧廩工淺貢共銀壹千壹百



貳拾壹兩玖錢捌分壹釐玖毫伍忽伍微遇閏加  
徵銀肆拾玖兩叁錢伍分柒釐肆毫肆絲

江山縣額徵本折月糧廩工淺貢共銀壹千陸百  
陸拾伍兩叁錢陸分玖釐陸毫壹絲叁忽陸微遇  
閏加徵銀捌拾壹兩捌錢陸分壹釐壹毫貳絲

開化縣額徵本折月糧廩工淺貢共銀壹千肆百  
伍拾叁兩伍錢壹分伍釐陸毫陸絲玖忽柒微柒  
塵叁渺肆漠遇閏加徵銀陸拾捌兩叁錢壹分柒

釐玖毫貳絲

衢州所額徵餘租銀玖拾叁兩壹錢陸分捌釐玖毫貳絲捌忽捌微伍塵肆渺陸漠陸埃肆纖玖沙  
通計衢州府屬額徵本折月糧廩工淺貢餘租共  
銀玖千叁百貳拾陸兩陸錢玖分叁釐肆毫陸  
絲壹忽柒漠玖埃貳纖貳沙遇閏加徵銀叁百  
兩玖錢陸分

嚴州府

建德縣額徵本折月糧廩工淺貢共銀壹千壹百叁拾貳兩伍錢柒分貳釐肆毫陸絲捌微伍塵遇閏加徵銀壹百捌拾壹兩陸分伍毫

淳安縣額徵本折月糧淺貢共銀玖百陸拾壹兩壹錢陸分壹釐玖毫陸絲捌忽捌微伍塵遇閏加徵銀陸拾叁兩貳錢捌分玖釐

桐廬縣額徵本折月糧淺貢共銀叁百玖拾叁兩玖錢伍分肆釐壹毫貳絲陸忽玖微貳塵伍渺遇

閩加徵銀柒拾兩壹分伍釐

遂安縣額徵本折月糧淺貢共銀玖百陸拾捌兩  
貳分壹毫陸絲捌忽捌微陸塵伍渺玖漠玖纖壹  
沙遇閩加徵銀壹百叁拾陸兩壹錢伍分伍釐玖  
毫

壽昌縣額徵本折月糧淺貢共銀陸百玖拾叁兩  
玖錢壹分陸釐陸毫陸絲伍忽伍微遇閩加徵銀  
壹百玖兩伍錢玖分玖釐陸毫

分水縣額徵折色月糧淺貢共銀伍百肆拾兩捌錢玖絲捌忽叁微捌塵陸漠

嚴州所額徵本色月糧餘租共銀貳千陸百柒拾伍兩貳分壹釐貳絲陸忽伍微捌塵捌渺貳漠伍埃肆纖肆沙

通計嚴州府屬額徵本折月糧廩工淺貢餘租共銀柒千叁百陸拾伍兩肆錢肆分陸釐伍毫壹絲伍忽玖微伍塵玖渺柒漠陸埃叁纖伍沙遇

閏加徵銀伍百陸拾兩壹錢貳分

溫州府

永嘉縣額徵本折月糧廩工淺貢共銀肆年肆百  
叁拾捌兩玖錢壹分捌釐肆毫叁絲壹忽捌微貳  
塵壹渺遇閏加徵銀貳百貳拾叁兩陸錢陸分捌  
釐

樂清縣額徵本折月糧淺貢共銀叁千捌百壹拾  
陸兩貳錢捌分玖釐玖毫捌絲捌忽叁微伍渺遇

閏加徵銀貳百壹拾壹兩捌錢捌分捌釐

平陽縣額徵本折月糧淺貢共銀柒千肆拾玖兩

壹錢壹分貳釐肆毫伍絲貳忽捌微柒塵伍渺陸

漠遇閏加徵銀肆百柒拾壹兩玖錢玖分捌釐

瑞安縣額徵本折月糧淺貢共銀肆千壹百捌拾

柒兩壹錢陸分玖釐壹毫貳絲陸忽肆塵叁渺遇

閏加徵銀貳百玖拾陸兩貳錢捌分陸釐

泰順縣額徵淺貢伍拾貳兩柒錢捌釐捌毫伍絲

壹忽捌微壹塵壹渺

温州衛額徵折色月糧永減餘租共銀參千柒百  
壹拾壹兩貳錢肆分陸釐捌毫玖絲捌忽肆微陸  
塵參漠肆埃貳纖柒沙

通計温州府屬額徵本折月糧廩工永減淺貢餘  
租共銀貳萬參千貳百伍拾伍兩肆錢肆分伍  
釐柒毫肆絲玖忽參微壹塵伍渺玖漠肆埃貳  
纖柒沙遇閏加徵銀壹千貳百參兩捌錢肆分



處州府

麗水縣額徵本折月糧廩工淺貢共銀貳千貳百  
參拾貳兩貳分玖釐陸毫參忽壹微陸塵參渺陸  
漠參埃參纖伍沙遇閏加徵銀參百壹拾參兩捌  
分貳釐玖毫捌忽肆微柒塵參纖柒沙

青田縣額徵淺貢銀伍百肆拾伍兩肆錢貳分貳  
釐貳毫柒絲參忽伍微肆塵玖渺玖漠

縉雲縣額徵本折月糧淺貢共銀陸千伍百柒拾

兩參錢肆分陸釐叁毫壹絲捌忽陸微貳塵捌渺  
伍漠陸埃遇閏加微銀貳百叁拾陸兩陸錢柒分  
柒釐叁毫

松陽縣額徵本折月糧淺貢共銀壹千壹百貳拾  
捌兩肆錢壹分捌釐柒絲叁忽遇閏加微銀肆拾  
陸兩捌分陸釐肆毫

遂昌縣額徵本折月糧淺貢共銀叁千叁百陸兩  
肆錢肆分陸釐柒毫捌絲柒忽叁微貳塵叁渺玖

漠參織參沙遇閏加徵銀壹百叁拾玖兩玖錢肆分柒毫

龍泉縣額徵本折月糧永減淺貢共銀貳千捌百柒拾兩捌錢肆分伍釐伍毫柒絲伍忽玖塵叁渺壹漠陸埃陸織伍沙遇閏加徵銀貳百貳兩肆錢肆分伍釐壹絲

雲和縣額徵本折月糧淺貢共銀捌百捌拾玖兩貳錢柒分叁毫捌絲捌忽伍微遇閏加徵銀壹百

參兩參錢肆分壹釐

慶元縣額徵本折月糧淺貢共銀玖百壹拾玖兩柒錢伍分陸釐壹毫柒絲玖忽陸微柒塵貳渺陸漠遇閏加徵銀參拾兩壹錢壹釐柒毫

宣平縣額徵本折月糧淺貢共銀捌百柒拾伍兩柒錢捌分參釐貳毫柒忽陸微遇閏加徵銀伍拾陸兩參分壹釐

景寧縣額徵本折月糧淺貢共銀伍百陸拾陸兩

陸錢玖分玖釐貳毫叁絲陸忽柒微捌塵壹渺叁  
漠肆埃玖纖貳沙遇閏加徵銀壹拾柒兩陸錢壹  
分叁釐


通計處州府屬額徵本折月糧廩工永減淺貢共  
銀壹萬玖千玖百伍兩壹分柒釐陸毫肆絲叁  
忽叁微壹塵叁渺壹漠叁埃玖纖伍沙遇閏加  
徵銀壹千壹百肆拾伍兩叁錢壹分玖釐壹絲  
捌忽肆微柒塵叁纖柒沙

雍正十三年十月初七日欽奉

上諭各省雍正十二年前民欠漕項銀全行豁免

詳見

恤蠲



浙江通志卷八十一